

宋學士文集

八



宋學士文集目錄

翰苑別集目錄

卷第一

楊氏家傳

題李霽峯墓銘後

衍齡堂記

送翁好古序

題趙博士訓子帖後

樓母墓版文

貞節堂記

送葉別乘詩序

卷第二

金母翟夫人墓銘

寧禪師碑銘

連州黃府君墓銘

題唐太宗哀冊文後

贈蕭子所序

徐劉生墓銘

王德暉先生文集序

恭題御賜文集後

王僉事墓銘

王宗器字辭

題趙子昂臨大令四帖

全室禪師像贊

墨鞫圖贊

卷第三

末豐劉府君墓誌銘

耘菴銘

古愚齋銘

王生致遠字辭

寄和右丞溫迪罕詩卷序

題李節婦傳後

題新修李郭侯傳後

無夢和上碑銘

跋蕭翼賺蘭亭圖後

居易齋銘

林伯恭詩集序

跋一雨大師塔銘

題甘節卷後

題柏菴圖後

日本普濟國師碑銘

日本重修轉法輪藏禪寺記

卷第四

御賜甘露漿詩序

恭跋 御賜詩後

補張馮加冠字辭

人席說

送景德輝序

送徐教授序

送許存禮序

葉夷仲文集序

題商山四皓圖

濟南李氏先塋碑銘

題邕禪師塔銘後

夏尚之遺像贊

韋軒銘

楷木杖銘

卷第五

趙氏時思菴記

贈林經歷序

王給事墓版文

徐貞婦傳

湛淵先生白公墓銘

著存軒辭

端木府君墓銘

正誼堂銘

圓應菴記

題冰壺子傳後

卷第六

呂府君墓銘

漢天師世家序

跋樗散生傳後

題烏繼善文集後

琅邪山游記

龍泉湯君墓銘

思遠樓記

金谿縣義渡記

建寧黃母墓版文

卷第七

跋日本僧汝霖文稿後

贈傳神陳德顏序

題湯處士墓銘後

題陳生宗譜後

清風亭記

環翠亭記

贈簡中要師游江西序

題顧主簿上蕭侍郎書後

蓬軒銘

楊指揮墳志

孝子丘鐸傳

杜詩舉隅序

題李伯時畫孝經圖後

題柳公權書度人經後

跋韓忠獻王書義鶻行後

黃氏悅親堂銘

補危安子定加冠祝辭

劉主事墓版文

卷第八

恭題

御書賜靳春侯卷後

題觀鵞圖

贈朱啓文序

新刻廣韻後題

韻府群玉後題

贈令儀藏主序

跋黃文獻公送鄭檢討序後

混成道院記

天台廣濟橋記

贈陳生孟暘序

書史會要序

括蒼吳氏世系碑銘

跋子昂真蹟後

鞠軒銘

卷第九

送許從善學道還閩南序

鄒氏復姓孫氏序

贈閩叅政詩并序

宋惟善字辭

鳳陽單氏先塋碑銘

符氏世譜記

蘭隱亭記

梅府君墓

恭題幽風圖後

金溪縣尉陳府君墓銘

書畦樂翁事

恭題

御製桂良彥職王傳勅

卷第十

日本古先源禪師道行碑

陳方都督像贊

孤峯德公塔銘

陳府君墓銘

送趙待制致仕還鄉詩序

忠孝堂銘

查林魯氏家牒序

鳳陽陳方氏封贈二代碑銘

吏部侍郎張府君墓銘

左丞方公神道碑銘

宋學士文集目錄

翰苑別集目錄

宋學士文集卷第三十一

翰苑別集卷第一

楊氏家傳

楊端其先太原人仕越之會稽遂為其郡望族後寓家京兆唐末南詔叛陷播州久弗能平僖宗乾符三年下詔募驍勇士將兵討之端夢神人告曰爾亟往此功名機也端與舅氏謝將軍詣長安上疏請行上慰而遣之行次蜀蠻謀知之歛退者半乃詣瀘州合江逕入白錦軍高遙山據險立砦結土豪吏將黃三氏為久駐計蠻出寇端出奇兵擊之大敗尋納款結盟而退唐祚移於後梁端感憤發疾而卒子孫遂家于播宋贈太師太師生牧南既嗣世痛父業未成九溪十洞猶未服日夜憂憤其子部射達其志選練將卒伐羅閩時閩附南詔部射深入閩匿將士絕其後部射力戰死其子三公抱父尸不去閩執之以歸牧南卒三公幽于閩半載會阿求蠻酋長黑長與閩有連語之曰殺其父而囚其子人弗為也盡

歸諸閩不答黑定怒夜以一牝馬竊載與俱歸且發兵納三公界上三公遣衛兵檄召謝巡檢謝帥夷獠達之會濟江夷獠忽懷異志引舟岸北呼謝曰為我語若主當免我科賦否則吾不以舟濟三公怒瞋目視舟嗟者三舟奔而前三公遂涉夷獠爭持牛醪酒為謝三公剪帛繫獠頸吸水喫之帛或蛇形獠伏地哀祈誓輸賦不敢反三公復喫之帛如初三公生二子實實當立自以才不逮讓與實實字真卿聞宋太祖受命即欲遣使者入貢會小火楊及新添族二部作亂實同謝巡檢討之夜薄賊營盡殲其衆實傷流矢病創而卒實生昭字子明既嗣世二弟先蟻各擁強兵先據白錦東遵義軍號下州蟻據白錦南近邑號揚州昭不能制曾未幾何蟻稱南衙將軍舉兵攻先且外結閩兵為助謝巡檢子都統謂昭之子貴遷曰蟻召仇讎而賊同氣罪不容于死盍討之遂大發兵設三覆於高遙山要其歸而擊之閩大潰赴水死者數

千蟻亡入閩貴遷太原人與端爲同族其父充廣乃宋贈太師中書令業之曾孫莫州刺史充本州防禦使延朗之子嘗持節廣西與昭通譜昭無子充廣輟貴遷爲之後自是守播者皆業之子孫也貴遷字升叔慶歷皇祐間儂智高亂邕貴遷曰通夜郎浮牂牁出其不意擊之漢制南粵之奇策也吾當報國以自效即如瀘次于南川得暴疾將還其季父先使南川鉅族趙隆要殺之官至武功大夫德州刺史生三子光震光榮光明光震字長卿瀘南夷羅乞弟叛瀘遣使乞師光震督兵行時閩黨宗大郎與乞弟通過其歸道光震與戰連七日不決遣帳卒王龍間道走播趣謝都統濟師謝至武婆山見二酋縱騎橫槊馳騁若指麾其衆謝以勁弩射其一應弦而斃其一大憤拔刃衝陣謝所傷其首殺之即宋兄弟也二夷懼而退因不能爲瀘患光震官至從義郎沿邊都巡檢使生五子文廣文真文錫文貴文宣文廣字敬德少孤仲父

光榮潛謀篡立衆弗與光榮奔高州欲藉蠻兵以危宗國文
廣與部將謝石近謝成忠謀奉書弊達光榮以歸事之如初
光榮復欲陰鴆文廣文廣詭為不知愛敬日篤黃標儀盜發
光震墓文廣捕斬之事連其弟理郭理郭奔高州蠻謀作亂
會老鷹岩獠穆族亦叛文廣命謝都統討夷之斬理郭戮穆
獠釋其黨七人初西平徭視諸蠻尤桀黠難制文廣偕成忠
夜入其柵擒獲之尋數其罪貸焉當文廣之時蠻獠為邊患
楊氏先世所不能縻結者至是叛討服懷無復携貳封疆闢
而戶口增矣年僅三十六而歿君子惜之官至武節大夫人
三子惟聰惟吉惟信惟聰字晦之七歲而孤育於母舅謝石
近家石近以主少衆寡因奉光榮攝堡事光榮立日久益固
位惟聰既長光榮深忌之真毒魚中欲加害覺之弗食光榮
復為逆婦高州結與俱將殺於中塗謀洩弗果行光榮恚籍
播州二縣地千七百里往獻于朝詔即其地建白錦堡加光

榮禮賓使光榮還惟聰率部佐出迎光榮豫置毒于茗以俟
隸人誤進光榮啜之即斃惟聰始親政光榮弟光明懟惟聰
暮夜以兵劫之惟聰出禦光明敗奔蜀訴于部使者李獻誣
惟聰謀不軌獻入其辭矯發南平諸寨兵入播惟聰憤懣不
自勝大集兵拒戰敗其師事聞詔奪獻官進惟聰修武郎左
班殿直賜金帶錦袍慰諭之光明因亡入閩而死居無何惟
吉復作亂殺惟聰二子衆怒共誅之惟聰深懲家難禱于上
下神祇誓曰世世子孫不可以權假人違此言者天實殛之
惟聰復生二子選浚選字簡夫始立值徽欽二帝播遷高宗
南渡選慷慨負翼戴志務農練兵以待徵調士大夫韙之性
嗜讀書擇名師授子經聞四方士有賢者輒厚幣羅致之歲
以十百計益士房禹卿來市馬為夷人所劫轉鬻者至再選
購出之遷於客館給食與衣者數載屬歲大比選厚餽遣徒
衛送其還益竟登進士第選貳於選謀入閩作亂選邑邑喪

明而終官至武經郎生十有三子唯軾最良軾字德與美
髯長身狀貌瓌偉剛果勇決人服其能嘗病舊堡隘陋樂堡
北二十里穆家川山水之佳徙治之是爲湘江軾初無嗣鞠
軾子絜爲後晚生三子勲居昇以絜賢遂不易初議尤愛軾
尋授軾堡政獨築室萬泉以終軾畜一帟馴服左右常駕以
出游人異之官至秉義郎軾字德載沉靜寬厚孝友無間言
遇軾諸子不趨若已出初先據下州世治兵相攻凡七傳至
煥軾之幕官猶泳從容白曰骨肉相殘夷狄之俗也上下楊
其初由一人而今干戈日夜相尋孰若講信修睦復兄弟之
親乎軾欣然曰吾有志久矣子爲我往說之泳至下州煥頓
顙受命遂盟而還軾留意藝文蜀士來依者愈衆結廬割田
使安食之由是蠻荒子弟多讀書攻文土俗爲之大變軾官
至成忠郎累贈武節郎絜字文卿小字伯強幼授大學即掩
卷嘆曰此非一部行程曆乎必涉歷之至乃可爾長好鼓琴

授壺繫母弟輝有寵於父幾奪其位繫亦欲以位讓之因猶
冰言得不廢開禧三年蜀帥吳曦叛繫帥師赴援會曦誅不
果貢職馬三百黃白金鉅萬且請因曦誅大舉北伐以雪光
耻上優詔答焉嘉定十二年復輸馬三百於蜀帥蜀帥以聞
上益嘉之南平夷榜求忠盜據公家田繫曰榜不道犯王略
吾為藩臣可緩其死耶帥衆討平之斬求忠歸其田南平閭
酋偉桂弑父自立繫聲罪致討敗其衆於滇池斬首數千級
闢地七百里獲羊牛鎧仗各以千計煥違盟鈔掠界上繫遣
兵誅之歸煥所掠地賦於珍州下楊平邊患遂熄繫性孝友
安儉素治政寬簡民便之復大修先廟建學養士作家訓十
條曰盡臣節隆孝道守箕裘保疆土從儉約辨賢佞務平恕
公好惡去奢華謹刑罰論者多之楊氏居播十三傳至繫始
大官終武翼大夫累贈右武大夫吉州刺史左衛大將軍忠
州防禦使賜廟忠烈封威毅侯生三子价佐佑价字善父英

偉沈毅自少不群父沒以郡政畀其子文專志養母端平中
北兵犯蜀圍青野原价曰此主憂臣厚時也其可後乎乃移
檄蜀閫請自效制置使趙彥訥以聞詔許之馳馬渡劍帥家
世自贍之兵五千戍蜀口圍鮮价功居多詔授雄威軍都統
制未幾復白錦堡為播州文領郡价統兵如故蜀警又急詔
价以雄威軍戍夔峽价分署所部屯瀘渝間遣奇兵擊東遂
以捷多遷武功大夫閣門宣贊舍人嘉熙初制置使彭大雅
鎮渝檄价赴援价督萬兵屯江南通蜀聲勢北兵不敢犯孟
珙宣撫荆湘余玠制置西蜀皆倚价為重上屢下詔褒美之
价指天誓曰所不盡忠節以報上者有如皁日一日大飭羣
僧价跌坐誦佛書數語而終价好學善屬文先是設科取士
未及播价請于朝而歲貢士三人云贈開府儀同三司威武
寧武忠正軍節度使賜廟忠顯封威靈英烈侯文字全斌紹
定中北兵始入劍文日閱士卒為備蜀中避地者多歸之嘉

熙中北兵窺江彭大雅復來徵師价命裨將趙暹師萬兵赴
戰石洞峽擊破之以功轉武德郎閣門祗候父卒詔起文視
事進武功大夫閣門宣贊舍人文移書余玠曰比年北師如
蹈無人之境者由不能禦敵於門戶故也曷移鎮利閬間經
理三關為久駐謀此上計也今縱未能大舉擇諸路要險建
城濠以為根柢此中計也下則保江自守縱敵去來耳况西
番部落已為北所誘勢必撓雪外以圖雲南由雲南以并吞
蠻部闕邕廣窺沅靖則後門幹腹深可憂也玠偉其論竟徇
中計後果如文言淳祐八年西帥俞興西征發兵五千人與
俱大戰者三皆捷遷左衛大將軍余玠北伐漢中文命將趙
寅會兵渝上三次戰又捷十二年北兵圍漠嘉文使總管田
萬率兵五千間道赴之夜濟嘉江屯萬山必勝二堡萬以勁
弩射之敵不能支遂却加右武大夫寶祐二年北兵由烏蒙
渡馬湖入宣化宣撫使李曾伯來徵師文遣弟大聲統兵行

大小九戰又捷轉左武大夫五年北兵循雲南將入播文馳
奏詔節度使呂文德偕文入閩諭羣酋內屬大酋勃先領衆
降六年拜親衛大夫以解漁城圍剪烏江寇功加忠州團練
使景定間劉雄飛夏貴守蜀復江安州餉禮義山戰懸壺平
而播兵為多進中亮大夫和州防禦使播州沿邊安撫使爵
播川伯食邑七百戶詔雄威軍加御前二字以寵異之歲賜
鹽帛給邊用著為令文留心文治建孔子廟以勵國民民從
其化卒於咸淳元年贈金州觀察使元贈榮祿大夫同知樞
密院事柱國追封播國公諡崇德生一子邦憲字仲武倜儻
有大節好書史善騎射始冠授成忠郎雄威軍副都統通管
州事二年閩大舉入寇破立邊諸戍邦憲出師拒之閩敗却
尋潛渡烏江步騎猝至民大駭邦憲部署諸將令曰必剪此
寇而後朝食蠻聞急引退甫涉江邦憲追擊大敗閩衆於中
流斬首千級擒其酋羅汝歸進武節大夫沿邊安撫使閩又